

SANT'AGATA 2017

(5 febbraio)

O Sant ' Agata, Patrona di donn
Demm ona man a soportà i nost' om !

Perchè gh'é di volt che 'n podom propi pu
Manman scor i an de la nostra gioentù .
Gh'è mai nient che va ben, a senti 'l so parlà
Se 'na roba l'è chi, perché l'è minga là .
Se la pasta l'è cota dis che la par cola
Se 'l botiglion l'è no pien : ma chi se la scola ?

O Sant ' Agata, Patrona di donn
Demm ona man a soportà i nost ' om !

Quand poeu col temp se svoeja la cà
Restom li 'me du bamba e pu nient de cuntà .
L'è forse per quest ch'el nost passatemp
Tant per dì on queicoss di nost sentiment
Gh'è nient de mej d'ona bela litigada
Se no par nunca sia passà 'na giornada !

O Sant ' Agata, Patrona di donn
Demm ona man a soportà i nost ' om !

Don Arnaldo